



UNIVERSITETI POLITEKNIK  
FAKULTETI I TEKNOLOGJISË SË INFORMACIONIT  
DEPARTAMENTI I INXHINIERISË INFORMATIKE

**RREGULLORE E FUNKSIONIMIT DHE E PRANIMIT  
TË KANDIDATEVE NË PROGRAMIN E STUDIMIT  
MASTER PROFESIONAL NË  
“INXHINIERI INFORMATIKE”**

**Tiranë, 2012**



**Universiteti Politeknik i Tiranës**  
**Fakulteti i Teknologjisë së Informacionit**  
**Departamenti i Inxhinierisë Informatike**

## **I. Të përgjithshme**

### **Neni 1**

Cikli i dytë i studimeve Master Profesional në “Inxhinieri Informatike” është propozuar bazuar në ligjin Nr. 9741, datë 21. 05. 2007 ”Për Arsimin e Lartë në Republikën e Shqipërisë”, i ndryshuar, neni 26, 42, në zbatim të udhëzimit të Ministrisë së Arsimit dhe Shkencës Nr. 4, datë 22.1.2008 “Për hapjen, mbylljen dhe riorganizimin e programeve të studimit master të nivelit të parë dhe të dytë”.

Cikli i dytë i studimeve Master profesional në “Inxhinieri Informatike” është hapur për herë të parë në vitin akademik 2012 - 2013 me Urdhërin e Ministrit të Arsimit dhe Shkencës, Nr. 67 datë 12.02.2013, për ”Një ndryshim në Urdhërin Nr. 539, datë 09.11.2012 ”Për hapjen e disa programeve të studimit ”Master Profesional” në Universitetin Politeknik të Tiranës, i ndryshuar”

### **Neni 2**

Masteri Profesional në “Inxhinieri Informatike” ka për qëllim thellimin i njohurive të mara në sistemin e studimit Bachelor në Inxhinieri Informatike, si dhe dhënien e njohurive të reja, për t’i pajisur studentët me njohuritë e nevojshme specifike në plotësim të nevojave të tregut të punës, të lidhura me teknologjitë e informacionit.

### **Neni 3**

Masteri Profesional në “Inxhinieri Informatike” është pjesë e studimeve të ciklit të dytë dhe është hapur pranë Departamentit të Inxhinierisë Informatike në Fakultetin e Teknologjisë së Informacionit, UPT.

### **Neni 4**

Masteri Profesional në “Inxhinieri Informatike” zhvillohet në ambientet e Fakultetit të Teknologjisë së Informacionit të Universitetit Politeknik të Tiranës.

## **II. Organizimi**

### **Neni 5**

Masteri Profesional në “Inxhinieri Informatike” realizohet në përputhje të plotë me statutin dhe rregulloren mësimore të UPT, rregulloren e brendshme të Fakultetit të Teknologjisë së Informacionit dhe drejtohet nga Departamenti i Inxhinierisë Informatike si njësi bazë e këtij fakulteti.



**Universiteti Politeknik i Tiranës**  
**Fakulteti i Teknologjisë së Informacionit**  
**Departamenti i Inxhinierisë Informatike**

### **Neni 6**

Detyrat e Departamentit të Inxhinierisë Informatike janë:

- Paraqitja e programit të studimit për miratim në Këshillin e Fakultetit dhe Senatin e UPT
- Përgatitja e planit mësimor
- Rishikimi i programeve mësimore
- Hartimi i strukturës mësimore
- Menaxhimi i të gjithë aktiviteteve mbështetëse për mbarëvajtjen e programit të studimit

### **Neni 7**

Ambientet ku zhvillohet Masteri Profesional në “Inxhinieri Informatike”, janë pranë Fakultetit të Teknologjisë së Informacionit, në korpusin universitar sheshi “Nënë Tereza”, si dhe pranë laboratorëve të Departamentit të Inxhinierisë Informatike .

### **Neni 8**

Masteri Profesional në “Inxhinieri Informatike” kryen të gjitha regjistrimet e veta nëpërmjet Sekretarisë Mësimore të Fakultetit të Teknologjisë së Informacionit.

## **III. Pranimi i kandidatëve**

### **Neni 9**

Në Programin e Studimit Master Profesional në “Inxhinieri Informatike” mund të regjistrohen vetëm personat që zotërojnë diplomë të ciklit të parë Bachelor (ose ekuivalente me të sipas kuadrit ligjor në fuqi) në Inxhinieri Informatike , të fituar pranë Fakultetit të Teknologjisë së Informacionit, UPT, ose diploma të ngjajshme të fituara në UPT ose jashtë saj. Ekuivalenca në këtë rast bëhet nga komisionet ad hoc që ngrihen nga Këshilli i FTI.

Pranimet bëhen sipas hapave më poshtë:

1- Regjistrohen fillimisht, sipas kërkesave dhe të renditur sipas mesatares së ponderuar të diplomës Bachelor, studentët që kanë diplomë Bachelor në Inxhinieri Informatike të fituar pranë FTI, UPT.

2- Nqs pas pranimi të të gjitha kërkesave nga studentët që kanë diplomë Bachelor në Inxhinieri Informatike , të fituar pranë FTI, UPT, ka ende kuota të lira, regjistrohen në vijim, sipas kërkesave dhe të renditur sipas mesatares së ponderuar të diplomës Bachelor, studentët e FTI që kanë diplomë Bachelor në Inxhinieri Elektronike ose Inxhinieri Telekomunikacionesh.

Studentet që vijnë nga jashtë shtetit, nga shkolla inxhinierike (të ngjajshme me formimet inxhinieri informatike, inxhinieri elektronike, inxhinieri telekomunikacioni) do të trajtohen në



**Universiteti Politeknik i Tiranës**  
**Fakulteti i Teknologjisë së Informacionit**  
**Departamenti i Inxhinierisë Informatike**

varësi të lëndëve të ekuivalentuara dhe mesatares respektive. Vendimi për këto raste i takon komisioneve ad hoc të ngritura nga këshilli i FTI.

3- Nqs edhe pas plotësimit të pikës 2, të nenit 9, ka ende kuota të lira, regjistrohen në vijim studentët sipas diplomës Bachelor të fituar në UPT ose jashtë saj.

Do të pranohen në këtë fazë:

a) vetëm studentët që kanë mesatare të ponderuar të ciklit të parë bachelor  $\geq 7$  dhe janë diplomuar në UPT, në një nga fakultetet e saj.

b) vetëm studentët që kanë mesatare të ponderuar të ciklit të parë bachelor  $\geq 8$  dhe janë diplomuar jashtë UPT.

Renditja në këtë rast bëhet pas ekuivalentimit të lëndëve, që studenti ka fituar në drejtimin përkatës, me diplomat Bachelor në Inxhinieri Informatike. Studentët që kanë më shumë kredite të ekuivalentuara do të regjistrohen në rendin zbritës (sipas numrit të krediteve të ekuivalentura dhe nqs numri i krediteve të ekuivalentuara është i njëjtë, renditja bëhet sipas mesatares së ponderuar) dhe me kushtin e shlyerjes së krediteve të paekuivalentuara.

Numri i krediteve të paekuivalentura nuk mund të jetë më shumë se 30 kredite, në të kundërt studentin nuk mund të klasifikohet.

#### **Neni 10**

Tarifa e regjistrimit të kandidatëve është sipas kuadrit ligjor në fuqi dhe sipas detyrimeve që përcaktojnë rregulloret/urdhëresat e FTI/UPT. Kandidatët regjistrohen sipas procedurave të miratuara nga FTI/UPT.

#### **Neni 11**

Regjistrimet në Programin e Studimit Master Profesional në “Inxhinieri Informatike” bëhen në zbatim dhe në përputhje me ligjet e Republikës së Shqipërisë dhe vendimet e udhëzimet e MASH. Ato kryhen pranë sekretarisë mësimore të Fakultetit të Teknologjisë së Informacionit.

#### **Neni 12**

Njohja e krediteve bazohet në rregulloren e Universitetit Politeknik të Tiranës.

#### **Neni 13**

Ne Programin e Studimit Master Profesional në “Inxhinieri Informatike” kanë të drejtë të regjistrohen shtetas shqiptarë ose të huaj. Këta të fundit, duhet të përmbushin të gjitha detyrimet/kërkesat që rrjedhin nga legjislacioni përkatës në fuqi i Republikës së Shqipërisë dhe detyrimet/kërkesat që përcaktojnë rregulloret/urdhëresat e UPT/FTI.



**Universiteti Politeknik i Tiranës  
Fakulteti i Teknologjisë së Informacionit  
Departamenti i Inxhinierisë Informatike**

#### **IV. Zhvillimi i aktiviteteve**

##### **Neni 14**

Programi i Studimit Master Profesional në “Inxhinieri Informatike” zhvillohet me kohë të plotë. Ai zgjat një vit akademik. Gjatë vitit akademik të ndarë në dy semestra zhvillohen lëndët sipas programit mësimor të miratuar. Në semestrin e dytë zhvillohen gjithashtu praktika profesionale dhe mbrojtja e diplomës, mikrotezës, si punim i pavarur i studentit të Programit të Studimit Master Profesional në “Inxhinieri Informatike”.

##### **Neni 15**

Gjuha në të cilën zhvillohet Programi i Studimit Master Profesional në “Inxhinieri Informatike” është shqipe.

##### **Neni 16**

Leksionet zhvillohen në perputhje me orarin mësimor të aprovuar nga Dekani i FTI.

##### **Neni 17**

Kontrolli i dijeve në çdo modul bëhet nëpërmjet vlerësimit të detyrave të kursit, pjesmarrjes në laboratore dhe provës përfundimtare, provimit.

##### **Neni 18**

Masa e frekuentimit të leksioneve, seminareve dhe laboratorëve përcaktohet në rregulloren e UPT, si dhe në rregulloren e brendshme të FTI.

##### **Neni 19**

Rezultatet e frekuentimit, provave përfundimtare të moduleve dhe të mbrojtjes së mikrotezës regjistrohen në Sekretarinë Mësimore të Fakultetit të Teknologjisë së Informacionit.

##### **Neni 20**

Në përfundim të programit të studimit, studenti pajiset me diplomë, “*Master Profesional në Inxhinieri Informatike*” të firmosur nga Dekani i Fakultetit të Teknologjisë së Informacionit dhe nga Rektori i UPT.

**Përgjegjësi i Departamentit**

**Prof. As. Elinda Kajo Meçe**